



Aqqalu C. Jerimiassen

UPA 2022/155-1

Atassut

10. Maj 2022

**Organistiniq amigaateqarneq, suullu peqqutaanersut pillugit Naalakkersuisut UKA2023-mi agguaassassamik nalunaarusioqqullugit Inatsisartut aalajangiiffigisassaattut siunnersuut. Nalunaarusiami akissarsianut tunngasut, ilinniartitsinikkullu neqeroorutaasinnaasut il.il. qulaajarneqassapput, kiisalu qanoq iliornikkut amigaateqarneq qaangerniarneqarsinnaanersoq pillugu Naalakkersuisut siunnersuuteqartoqassallutik.**

(Inatsisartuni ilaasortaq Siverth K. Heilmann, Atassut)

Sunaluunniit suliffik akilersinnaangikkaangami, sulerulukkaluarlunilu pissarsiassartaqanngippat ajorluartumik nakernarunnangilaq suliffigissallugu.

Inuiaqatigiinni organistit amigaatigineqartartut ilisimaneqarpoq, amerliartartoriarnerallu killeqangaatsiarluni, naak soqutigineqarluarsinnaangaluarluni paasinartumilli akissaateqarnikkut inissisimaneq taamaattuartillugu aaqqittoqarnissaa piffissami qaninnermi ilimanarani.

Siunnersuuteqartup oqarneratuut, 2019-imi isertitatigut aaqqiisoqalaarsimagaluartoq, suli naammaqqajannngitsumik iluarsisimaneq isiginiarneqartariaqarpoq. Tussiutimmi 644-sut pattanneq ilinniareernermigut tamaasa alanngaanginnartalerunnangilai, naalagiaritsinerup avataatigut piareersartarnerit, pattagissallu sungiusartuarnissaa akunnerpassuarnik ulluinnarnut tiguisinnaammat.

Atassummiit isumariuaannarparput, nunatsinni oqaluffeqarnikkut pitsaasumik inissisimasariaqarneq. Uani oqaluffiit kisiisa pinngikkaluarlugit, sulisoqarnikkullittaaq toqqissisimanartumik atungassaqtitsisariaqaratta. Inuiaqatigiinnimi amerlanerpaatut inissisimasuusugut ilagiinni naaggaartutut lutherikkutut anersaakkut perorsagaasuusugut, naleqartinneqartup tammatsaaliornissaanut soqutiginaruunissaanullu iliuuseqartariaqaratta. Naalagiarnermimi pattattoqartinnagu qanoq allaanerutigisarnersoq arlalissuusut takoreernikuujunnarsivarput.

Organistiunermi tassaannaangilaq sapaatikkut ullaakkut qulinut pattakkiartupallalaarneq naalagiaritsinerup nalaani. Pattassinnaaneq nammineerluni qilamminngaanniit takkunneq ajorpoq, ilinniangaasavorli imaannaangissinnaasukasik sungiusartuartaqagarlu. Tusarnersorsuarmillu naalagiarnerni misigisissinnaajuartarmatigut, imaattariaqanngilaq missukutaralugit piuassagigut,

akissaateqarneratigut isiginiarnerusariaqalerpagut suli siunissami amerlanerusunik  
organisteqarsinnaalerumalluta.

Taamak naatsunnguamik Atassummiit oqaaseqarluta, siunnersuut Kulturimut, Ilinniartitaanermut,  
Ilisimatusarnermut Ilageeqarnermullu ataatsimiitsitaliamut innersuupparput.